

Акафист Пресвятей Богородице в честь иконы Ея, именуемая
Млекопитательница.

Кондак 1

Взбранной Воеводе, Владычице нашей Богородице, похвальная пения приносим Ти раби Твои о явлении чудотворных иконы Твоея. Ты же, яко имущая милосердие неизреченное, соблюди и спаси от всяких бед рабы Твоя, с верою и любовью вопиющая Ти: Радуйся, Богородице Дево, милостию Твоею присно нас питающая.

Икос 1

Архангел Гавриил с небес прииде к Тебе, Богородице, благовестити непостижимое рождение от Тебе Бога Слова, и рече: радуйся, Благодатная, Господь с Тобою. Темже и мы, смиреннии, дерзаем вопити к Тебе сице:

Радуйся, Ангелов радосте;
радуйся, человеков спасение.
Радуйся, падшаго мира обновление;
радуйся, средостения вражды разрушение.
Радуйся, пророческих глагол исполнение;
радуйся, закона древняго пременение.
Радуйся, Агнца и Пастыря во чреве Твоем упасшая;
радуйся, Творца небес и земли плотию рождающая.
Радуйся, Питателя вселенных млекопитающая;
радуйся, млеко́м богопознания верных Питательнице.
Радуйся, повившая Повивающего небо облаки;
радуйся, дланьма носящая на Херувимех Носимаго.

Радуйся, Богородице Дево, милостию Твоею присно нас питающая.

Кондак 2

Видя Иосиф целомудренный Чистую Деву непраздну сущу, восхотел тай пустити Ю: уведев же во чреве имущу от Духа Свята, удивился непостижимей тайне воплощения, и до конца верен хранитель чистоты Ея пребысть; мы же, грешнии, славяще еже о нас Господне смотрение, во умилении сердец наших благоговейно поклоняемся Ти, Дево Чистая, вопиюще Родшемуся от Тебе Богу: Аллилуиа.

Икос 2

Разум человеческий недоразумеает постигнуть велие таинство воплощения от Тебе, Пречистая, Христа Бога нашего, и Ангели небеснии недоуменно дивятся, како нас ради, человек, Владыки Христа с небес на землю низхождение и от Девы воплощение бысть, мы же, земнороднии, Тебе благодарение приносяще, радостно глаголем:

Радуйся, праведных Иоакима и Анны святое прозябение;
радуйся, неплодныя утробы плод благословенный.
Радуйся, в зачатии Твоем чудеснем прославленная;
радуйся, в рождении Твоем благодатию Божиею осененная.
Радуйся, благовещение Архангелово во смирении радостно приемшая;
радуйся, девство и деторождение пречудно в Себе сочетавшая.
Радуйся, Спасителя мира нетленно рождающая;
радуйся, Дево Пренепорочная и Богородице Пречистая.
Радуйся, Бога яко Отроча младо пастырем явившая;
радуйся, Владыку, яко Первенца, праведному Симеону принесящая.
Радуйся, Кивоте Божества освященный;
радуйся, Вместилище Божественных откровений.
Радуйся, Богородице Дево, милостию Твоею присно нас питающая.

Кондак 3

Сила Вышняго осени Тя, Марие Богоневестная, и Дух Святыи найде на Тя по благовестию Архангелову. Темже благодатию Святаго Духа осеняема, зачала еси во утробе Твоей и явилася еси одушевленный Кивот Слова воплощенного, Емуже прерадостно вопием: Аллилуиа.

Икос 3

Имуще любовь к человеку, искупленным Кровию Сына Твоего, Преблагая Владычице, прияла еси от Бога благодать покрывать род христианский, емуже в утешение икону Твою сию свягую, чудес благодатию прославленную, милостивно даровала еси. Темже благодарственно вопием Ти:

Радуйся, пресветлая звездó, являющая миру Солнце правды;
радуйся, преславная палáто, в нюже вселися Христос.
Радуйся, от всех родов ублажаемая;
радуйся, велие дерзновение к Сыну Твоему и Богу стяжавшая.
Радуйся, вину ходатайствующая пред Ним за род христианский;

ра́дуйся, прісно умоляющая Егó за лю́ди согреші́вшія.
Ра́дуйся, ско́рая на́ша Помо́щнице;
ра́дуйся, ми́лостивая на́ша Засту́пнице.
Ра́дуйся, грѣшников ка́ющихся Спору́чнице;
ра́дуйся, су́щих в ско́рбех и напáстех Избáвительнице.
Ра́дуйся, твёрдое на́ше огражде́ние от находя́щих на ны
озлобле́ний;
ра́дуйся, непосты́дная на́ша наде́ждо.
Ра́дуйся, Богоро́дице Де́во, ми́лостію Твоёю прісно нас
пита́ющая.

Кондак 4

Бу́рное мо́ре преплы́в, Са́вва святы́й, Сѣрбскія Цѣркве
первосвяты́тель, за́поведь испо́лнь вели́каго Са́ввы Освяще́ннаго, прия́
благоговѣ́йно чудотво́рную ико́ну Твою́, Млекопита́тельнице, от рук
преподóбных оте́ц Ла́вры егó и ра́достно возопі́ к носі́мому на рука́х
Твои́х Сы́ну Бо́жию: Аллилу́иа.

Икос 4

Слы́шавше і́ноцы Святы́я Горы́ Афóнскія, я́ко честна́я ико́на
Твоя́, Богоро́дице, от Иерусали́ма к ним грядѣ́т, с ра́достію изыдо́ша в
срѣтение ея, и узрѣ́вше ю́, рука́ма святы́теля Са́ввы носі́мую,
благоговѣ́йно поклоні́шася и с весѣ́лием си́це Тебе́ вопія́ху:

Ра́дуйся, явля́ющая нам дѣ́вное заступле́ние;
ра́дуйся, сладча́йшее душ на́ших утеше́ние.
Ра́дуйся, Го́ру Афóнскую благодáтным покрóвом осені́вшая;
ра́дуйся, ико́ны Твоя́ чудотво́рныя в ней умно́жившая.
Ра́дуйся, от Иерусали́ма пришѣ́ствием Твои́м но́вое зна́мение
ми́лости Твоея́ нам явѣ́вшая;
ра́дуйся, ико́ною Твоёю насѣ́льников Святы́я Горы́ благодáтно
озарѣ́вшая.
Ра́дуйся, страна́ствія на́шего тѣхое прибѣ́жище;
ра́дуйся, спасѣ́нія на́шего немóлчная Ходáтаице.
Ра́дуйся, і́ноков премудра́я Учи́тельнице;
ра́дуйся, Свята́го Афóна Богодарова́нная Влады́чице.
Ра́дуйся, затво́рников сла́дкая Собесе́днице;
ра́дуйся, отше́льников наде́жная Покрові́тельнице.
Ра́дуйся, Богоро́дице Де́во, ми́лостію Твоёю прісно нас
пита́ющая.

Кондак 5

Боготечною звездою водими волсви достигоша храмины, в нейже узреша Отроча с Мариею, Материю Его, и падше поклонишася Ему. Сего ради и мы, грешнии, предстояще честней иконе Твоей, Богомати, яко Самой Ти сущей с нами и держащей на объятиих Твоих Богомладенца, со умилением поклоняемся Ему, непрестанно вопиюще: Аллилуиа.

Икос 5

Видяще, Владычице, святыю икону Твою с Богомладенцем Иисусом, Егоже, яко блаженная Мати, от сосцу Твоею питаеши, величаем дивное смотрение Его о нас, грешных, и умиленно вопием Ти таковая:

Радуйся, Подательнице духовных радости;
радуйся, Агнице, рождающая Агнца Божия, вземлющего грехи мира.
Радуйся, лестнице Иаковля, земная с небесными соединившая;
радуйся, в след Тебе девы Царю приводящая.
Радуйся, скорбных матерей утешение;
радуйся, чад их благодатное охранение.
Радуйся, вдов непременная Заступнице;
радуйся, сырых скорая Утешительнице.
Радуйся, алчущих щедрая Питательнице;
радуйся, болящих нечаемая Целительнице.
Радуйся, заблуждших Путеводительнице;
радуйся, юных целомудрию Наставнице.

Радуйся, Богородице Дево, милостию Твоею присно нас питающая.

Кондак 6

Проповедуем милости, явленные Тобою Святей Горы Афонстей, Богомати, и о Покрове Твоем всечестным присно радуемся, видим бо, яко и ныне от иконы Твоея исцелений множество бывает всем верою просящим и умиленно вопиющим Богу: Аллилуиа.

Икос 6

Воссияла еси лучами предивных чудес Твоих, Богородице Дево, от иконы Твоея святых, на нейже девственную лепоту Твою созерцающе, и рукама Твоима держамаго краснейшаго паче сынов человеческих Богомладенца видяще, к славословию Твоему подвигаемся и тако глаголем:

Ра́дуйся, цвѣте дѣвства неувядаемый;
ра́дуйся, ма́терей сла́во и похвало́.
Ра́дуйся, Мирополо́жнице благоуха́ния Христо́ва;
ра́дуйся, алава́стре, на всяк недугъ врачева́ния подаю́щий.
Ра́дуйся, Предста́тельнице у Престо́ла Пресвяты́я и Единосу́щныя
Тро́ицы;
ра́дуйся, ста́мно златая́ святыхъ святѣйшаго Сло́ва.
Ра́дуйся, преукраше́нный черто́г Царя́ ца́рствующих;
ра́дуйся, Горó Свята́я, низхожде́нием Бо́жиим просла́вленная.
Ра́дуйся, Це́ркве Христо́вы сия́ющая ле́пота;
ра́дуйся, всего́ ми́ра удобре́ние.
Ра́дуйся, Небе́сная Цари́це, па́че со́лнца светле́йшая;
ра́дуйся, Влады́чице, от всехъ чино́в А́нгельскихъ покланя́емая.
Ра́дуйся, Богоро́дице Де́во, ми́лостію Твое́ю прѣсно нас
пита́ющая.

Кондак 7

Хотя́щим нам, Богороди́тельнице, благоговѣ́нно лобыза́ти
чудотво́рный Твой о́браз, не возбрані́, Всеблагая́, грехо́в ра́ди на́ших,
но, а́ще и недосто́йных, с любóвию приими́ и вся проше́ния благая́
наша испóлни; вѣмы бо, Цари́це, я́ко милосе́рдие Твое́ неисче́тно.
Сего́ ра́ди с упова́нием неотсту́пным к Тебе́ прибега́ем и, сла́вяще
чудеса́ Твоя́, поём Бо́гу: Аллилу́иа.

Икос 7

Но́вую ми́лость яви́ла еси́, Богороди́це, егда́ неисчерпа́емый
исто́чник исцелѣ́ний и благодатную по́мощь всемъ с вѣрою
притека́ющимъ ко святѣ́й ико́не Твое́й дарова́ла еси́. Сего́ ра́ди,
благодаря́ще Тя и пречу́дному о́бразу Твоему́ со умилѣ́нием
припада́юще, хвалѣ́бно зовѣмъ Ти:

Ра́дуйся, от го́рних высóт всехъ нас Ма́тернею любóвию Твое́ю
назира́ющая;

ра́дуйся, юдо́ль земну́ю многоско́рбную милосе́рдием Твои́м
посеща́ющая.

Ра́дуйся, усѣрдная спасѣ́ния на́шего Споспѣ́шнице;

ра́дуйся, дѣ́вный сосу́д благодатнаго врачева́ния.

Ра́дуйся, прославля́ющихъ Тя прославля́ющая;

ра́дуйся, и непочита́ющихъ ико́ны Твоея́ на пока́ние призыва́ющая.

Ра́дуйся, во дни бра́ни правосла́внымъ вои́номъ крѣпость подаю́щая;

ра́дуйся, во дни ми́ра сердца́ вѣрныхъ веселя́щая.

Ра́дуйся, нагих и безкровных прісно покрыва́ющая;
ра́дуйся, сирот и вдовиц никогда́же оставля́ющая.
Ра́дуйся, хождѣние хромѣм пода́ющая;
ра́дуйся, о́чи слепѣм отверза́ющая.

Ра́дуйся, Богородице Дѣво, мѣлостію Твоею прісно нас пита́ющая.

Кондак 8

Странствие наше земное многоскорбное и многомятежное
усплаждаеши, Владычице, иконою Твоею святою, к нейже притекающе
с верою и любовию, уповаем, яко имама Ты на небесѣ Матерь и
Покровительницу Всеблагую, прісно споспешествующую нам в
жизни сей и по смерти нас не оставляющую. О сем радуешься и из
глубины сердца благодаряще Тя, вопиѣм Богу: Аллилу́иа.

Икос 8

Вси роди христианстии прісно блажат Тя, Богородицу сущую, и
на лик Твой Пречистый благоговѣнно взирающе, с верою
покланяются Тебѣ, яко Честнейшей Херувим и Славнейшей без
сравнения Серафим. Темже и мы, грешнии, с любовию вопиѣм Ти:

Ра́дуйся, Царице, яко преславная глаголашася о Тебѣ;
ра́дуйся, Владычице, яко небесная и земная пѣти Тебѣ не
умолкают.

Ра́дуйся, свеще неугасимая, весь мир сиянием Твоим озаряющая;
ра́дуйся, благоуханный крине дѣвства и чистоты.
Ра́дуйся, любви и мѣлости источнице живоносный;
ра́дуйся, молитвеннице благоприятная за ны грешныя ко Христу́
Богу.

Ра́дуйся, грешных ко Творцу́ приводящая;
ра́дуйся, праведный гнев Его́ на мѣлость прелагающая.
Ра́дуйся, Ниво неоранная, Клас спасительный миру израстившая;
ра́дуйся, Трапѣзо пресвятая, живоносный Хлеб нам даровавшая.
Ра́дуйся, лѣстнице, от тьмы греховныя ко спасѣнию возводящая;
ра́дуйся, звездѣ пресветлая, путь к небесѣм показывающая.

Ра́дуйся, Богородице Дѣво, мѣлостію Твоею прісно нас пита́ющая.

Кондак 9

Всякая похвала не довлѣет славе Твоей, Богородице Дѣво: Ты бо
Сына от Духа Святаго зачала еси́ и невместимаго Бога во чреве

вмести́ла еси́; Тобо́ю спасе́ние ми́ра возвеща́ется, па́дший же род челове́чь Пречестны́м Рожде́ством Твои́м от вѣчныя смѣрти свобождáется. Сего́ ра́ди из глубины́ души́ возсыла́ем Ти благодарственна́я хвалѣния и, я́ко избáвлении от злых, поѣм Бо́гу: Аллилу́иа.

Икос 9

Ветии́ многовещáнные не мо́гут пости́гнути вѣлию́ та́йну Твоего́ приснодѣвства, Богоро́дице, ка́ко в рождествѣ и по рождествѣ Дѣва пребыла́ еси́. Мы же, вѣрою правосла́вно велича́юще Тя я́ко Приснодѣву и Ма́терь Предвѣчнаго Живота́, прино́сим Ти из глубины́ серде́ц испове́дание на́ше и любóвию вопи́ем Ти:

Ра́дуйся, ино́ков и ино́кинь правосла́вных благо́е наставле́ние;
ра́дуйся, ревнующих о чистоте́ и целомуд́рии твѣрдо́е огражде́ние.
Ра́дуйся, дѣвственных чино́в свята́я Предводи́тельница;
ра́дуйся, и бра́ка честна́го защи́то и покрóве.
Ра́дуйся, в ложесна́х Твои́х Бо́га нетѣсно вмести́вшая;
ра́дуйся, Еди́на непоро́чная в жена́х.
Ра́дуйся, нетле́нная и неискусобра́чная А́гнца и Па́стыря Ма́ти;
ра́дуйся, Ма́терним Твои́м к Немú дерзнове́нием спасе́ние ми́ру устрóяющая.
Ра́дуйся, я́ко о Тебе́ раду́ется а́нгельский собо́р;
ра́дуйся, я́ко о Тебе́ торжеству́ет челове́ческий род.
Ра́дуйся, все́ми добродѣ́тельми преукраше́нная;
ра́дуйся, от всех христиáнских родóв почита́емая и ублажа́емая.
Ра́дуйся, Богоро́дице Дѣво, ми́лостию Твое́ю присно нас пита́ющая.

Кондак 10

Спасти́ хотя́ мир, Предвѣ́чное Сло́во избра́ Тя, Пречи́стая, и из честны́х крове́й Твои́х истка́ Себе́ плоть, яви́ся на земли́ и спасе́ние ми́ру соде́ла. Тѣмже песносло́вим Тя я́ко Всепѣ́тую Ма́терь Избáвителя, благодарственно́ вопию́ще Емú: Аллилу́иа.

Икос 10

Стѣну́ необори́му и покрóв неруши́м имѣю́т Тя, Богоро́дице Дѣво, во оби́телех ино́ческих подви́зajúщиися и Помо́щницу Держáвну вси, на Тя по Бо́зе все упова́ние своѣ возлага́ющи, Тебе́ бо даде́ся от Го́спода благода́ть моли́твеннаго заступле́ния, и Ты еси́ вѣрных в

дѣвствѣ и чистотѣ утверждѣние. Тѣмже и мы, грѣшнии, благоотѣише душѣвное в Тебѣ обретáюще, усѣрдно взывáем:

Рáдуйся, дóбре подвизáющимся Ходáтаице блаженнаго упокоѣния;
радуйся, иноком, на плоть вои́нствующим, Подáтельница вѣчнаго рáдования.

Рáдуйся, безмóлвствующих благодáтное осенѣние;
рáдуйся, стáрцев благоговѣйных отрáдо и утешѣние.

Рáдуйся, стáриц боголюбívых крѣпосте и утверждѣние;
рáдуйся, юношей и дев в дѣвственном житий заступлѣние.

Радуйся, мáтерей раждáющих и млекóм питающих от бед ограждáющая;

рáдуйся, всяк вóзраст вѣрных Мáтерняго благопопечѣния Твоего сподоблáющая.

Рáдуйся, благочестívых домов покрóве и благословѣние;
рáдуйся, обидимых и гонímых готóвое заступлѣние.

Рáдуйся, обидящих грóзное обличѣние;

рáдуйся, враждующих любвеобильное примирѣние.

Рáдуйся, Богородице Дѣво, мíлостию Твоею прísно нас питающая.

Кондак 11

Пѣние хвалѣбное приносим Ти, Христѣ Царю, в вертѣпе рóждшемуся и во я́слех возлѣгшему спасѣния нашего рáди. Тѣмже в пѣснех величáем и Пречíстую Мáтерь Твою, Приснодѣву Марíю, пред честнóю икóною Ея́ возвещáюще мíлости и чудесá, и́миже обогатíся вся вселѣнная. Ты же, Всеблагáя, Самá научи нас в́ину взывáти Бóгу: Аллилу́иа.

Икос 11

Свѣтлыми лучáми чудѣс Твоих, Богородице Дѣво, мрак грехóвный отгоняеши, всех нас на стезю спасѣния наставляющи. Тѣмже мóлим Тя, Всеблагáя, приведи нас к т́ихому пристáнищу Твоему́, да со умилѣнием приносим Ти хвалѣбная пѣния сицевáя:

Рáдуйся, Пренепорóчная Влады́чице, Сóлнце Правды вѣрным возсия́вшая;

рáдуйся, пла́чущим и скорб́ящим небѣсное утешѣние низпосылающая.

Рáдуйся, ни́щих и убóгих богáтство неоскудеваемое;

рáдуйся, подви́жников благочѣстия во брáни духóвней укреплѣние твѣрдое.

Ра́дуйся, предста́тельство к Бо́гу на́ше крѣпкое;
ра́дуйся, в час кончи́ны огражде́ние на́ше необори́мое.
Ра́дуйся, в райских селѣниях ходата́йством Твои́м нас
водворя́ющая;
ра́дуйся, благоче́стно живу́щим Ма́тернее милосѣрдие явля́ющая.
Ра́дуйся, от восто́ка до запа́да непреста́нно сла́вимая;
ра́дуйся, от А́нгел и челове́к в пѣснях ра́достно превозноси́мая.
Ра́дуйся, рук на́ших дела́ исправля́ющая;
ра́дуйся, ско́рби лю́тыя в ра́дость претворя́ющая.
Ра́дуйся, Богоро́дице Де́во, ми́лостью Тво́ею прѣсно нас
пита́ющая.

Кондак 12

Благода́ть и ми́лость испроси́, Преблагослове́нная Ма́ти, от Сы́на
Твоего́, Христа́ Бо́га на́шего, и, воздева́ющи к Немю́ Богоприѣмнеи
ру́це Твои́, умоли́ Его́ вся ны спасти́ и изба́вити от гѣбели вѣчныя:
мно́го бо мо́жет моли́тва Тво́я Ма́терняя ко благосѣрдию Влады́ки;
те́мже ра́дующеся, поѣм Ро́ждшемуся из Тебе́: Аллилу́иа.

Икос 12

Пою́ще пресла́вная чудеса́ Тво́я, Богоро́дице Де́во, от ико́ны Твое́я
святы́я прѣсно явля́емая, велича́ем Тя, возвели́чившую род наш. Ты
же, Всеблага́я, освяти́ и спаси́ вопи́ющия Ти сицева́я:

Ра́дуйся, Ма́ти, безму́жно Предвѣчнаго Сы́на ро́ждшая плоти́ю;
ра́дуйся, я́ко Тобо́ю печа́ли на́ша утоля́ются.
Ра́дуйся, живонóсный ми́лостей исто́чник всем к Тебе́
прибегáющим;
ра́дуйся, лучеза́рный свети́льниче омраче́нных душ на́ших.
Ра́дуйся, проро́ческая све́тлая похвало́;
ра́дуйся, апо́стольская нетле́нная сла́во.
Ра́дуйся, му́чеников утеше́ние;
ра́дуйся, святите́лей укрепле́ние.
Ра́дуйся, неотсту́пная Храни́тельница ино́ческих оби́телей;
ра́дуйся, пра́ведных непреста́нное ра́дование.
Ра́дуйся, ми́ра Влады́чице;
ра́дуйся, я́ко Тобо́ю спасе́ние содева́ется.
Ра́дуйся, Богоро́дице Де́во, ми́лостью Тво́ею прѣсно нас
пита́ющая.

Кондак 13

О, Всепѣтая Мати, Млекопитательнице Спаса нашего! Услыши сердечная воздыхания наша, буди теплая Заступница и Молитвенница за нас пред Сыном Твоим и Богом, о еже избавитися нам от грех наших, да не пребудем вне чертога Его, но сподобимся со всеми святыми пѣти Ему: Аллилуиа.

Молитва

О, Пресвятая Владычице Богородице, Пречистая и Милостивая Млекопитательнице! С любовью и благоговением припадающе ко святому и чудотворному образу Твоему, на немже видяще всех Творца и Господа, яко Младенца, пречистым млеко́м Твоим питаема, благохваления и поклонение приносим Ти грешнии и недостойнии рабы Твои и слезно молим Тя: не остави нас без Твоея помощи и заступления! Се бо грехми и страстьми разслабленни есмь и гладом духовным погибающе, алчем и жаждем пищи небесныя. Оскуде бо в нас вера, упование благое, любовь и благочестие. Несмысленни и младоумни есмь, зане присно умом и деяньми младенствуем, и воли Божией не творим, ниже разумеем, что есть благое или злое. Ты же, о Царице Небесная, Питательница жизни наша, покровом милости Твоея покрывающая вселенную всю, напитай нас от источника благодати Твоея млеко́м богопознания, да возрастаем в страхе Божии и смиренномудрии. Ты еси миро, изливанное любящим Тя рабом Твоим, росю молитв Твоих Богоматерних ороси нас, да принесем Богу плоды покаяния и житие нескверное. Укрепи нас малодушных, омраченных грехми просвети, востание страстей наших утоли, ко спасению вечному окорми, немощи естества нашего исцели и не остави до конца погибнути рабы Твоя, Ты бо еси единая Заступница наша и Упование, и вси надеющиеся на Тя не постыдятся, яко да Твоими теплыми молитвами в день Страшнаго Суда Христова избавимся будущаго осуждения и нескончаемыя муки, сподобимся же избранных радости и веселия вечнаго, во еже со всеми святыми воспевати Сына Твоего, Христа Бога нашего, Емуже подобает всякая слава и благодарение, честь и поклонение со Безначальным Его Отцем и Пресвятым и Благим и Животворящим Его Духом, ныне и присно, и во веки веков. Аминь.